

vardarse 'ndrè...

l'ei erta come 'n mur
la cava 'l fiá cativa
'sta strada vers al ciel

me pico fis a 'n ram
come su 'n mez a 'n sgrében
par no slizegar giò

la cima la par chi
vesina a 'n colp de ocio
che 'l par de carezarla

ma tut 'nden colp l'é scur
squergiu da 'n linzöl greo
che sconde 'l sol ai sguardi

su 'n mez 'quei crozi lustru
slisadi 'n pöc dal vent
'na bela stela alpina

la ciuta fôr spaventa
par farse carezar
su 'n quel sbrióc 'ntra i mughi

e mi che me arvezino
col cör che me scolobia
te sento ti 'ndel fior

e 'l ciel che 'l scolta e 'l tase
par compagnarme arent
l'averge 'l pét de azur

me polso a farghe ombría
e vardo 'ndrè la chipa
ma ades l'é 'n prá de fiori

ades l'é quel che és ti

Giuliano